
 Q. TULLIUS CICERO

Flumina verna ciet obscuro lumine Pisces
 curriculumque Aries aequat noctisque dieique,
 cornua quem condunt florum praenuntia Tauri.
 Aridaque aestatis Gemini praecordia pandunt
 longaque iam minuit praeclarus lumina Cancer 5
 languificosque Leo proflat ferus ore calores.
 Post modium quatiens Virgo fugat orta vaporem.
 Autumni reserat portas aequatque diurna
 tempora nocturnis dispenso sidere Libra.
 Ecfetos ramos denudat flamma Nepai. 10
 Pigra Sagittipotens iaculatur frigora terris.
 Bruma gelu glacians iubar est spirans Capricorni,
 quam sequitur nebulas rorans liquor altus Aquari.
 Tanta supra circaque vigent † umi lumina mundi.
 At dextra laevaue ciet rota fulgida Solis 15
 mobile curriculum et Lunae simulacra feruntur

 squama sub aetherio conspectu torta Draconis
 eminent. Hunc infra fulgentes Arcera septem
 magna qualis stellas, quam servans serus in alta
 conditur Oceani ripa cum luce Bootes. 20